

Moror in lætitiam mire commutatur,
Dum mors invincibilis victa coaretatur,
Et devicto vitio virtus restauratur.
Sed si viso discipuli gaudent Salvatorem,
Quia putas lætitia gaudet ampliore
Viso suo Genitrix redivivo flore,

A Quem extinctum viderat nuper in mortore?
Ex hoc Virgo poteris secure gaudere
Tibi nequit amodo dolor prævalere,
Sed nec ultra corpori valet mors nocere.
Pia nobis ixitur Mater misericordia.
Amen.

V.

MEDITATIONES ALIÆ.

DE GESTIS DOMINI NOSTRI JESU CHRISTI, ET MAXIME DE PASSIONE IPSIUS.

Introductio ad meditationes.

Jesu Christi celeri miseratione,
Et Mariæ virginis intercessione
Spero quod hæc meditans ex intentione,
Lacrymis plorabit se ex compassionie.
En verba Apostoli omnibus promuntur :
Congregantes[ſ., conregnantes] sunt qui compatiuntur,
Qui certant legitime, hi coronabuntur,
Et qui se dijudicant non judicabuntur.

Ergo Christi vulnera decet nos pensare,
Condolendo intime plorando amare,
Dei adjutorio hostes superare,
Discussaque crimina flendo expiare.

Idecirco, qui legis subscripta, dignaro
Vigores affectuum simul congregare,
Vanitates studeas mentis elongare,
Legensque mortaliter noli festinare.

Si Jesum vis sæpius in his cogitare,
Non sit opus jugiter totum recitare,
Sed ubi te citius possis excitare,
Et devotum animum dulcium cibare.

Sic legendo habeas, lector, tuam mentem
Quasi Jesum intuens puerum lactentem,
Per ætates singulas juvenem crescentem,
Item cernas Virginem illi famulantem.

Pandentem miracula, mortem patientem
Pene undique et semper ipsum imitantem
Sui pœnas Filii acriter plorantem,
Tornientaque singula mente tolerantem.

Quamvis enim pagina non videtur clare
Virginis inæstitia modum declarare,
Tamen inde convenit nos pensare,
Et in corde sæpius avide tractare.

Deploratio ignorantie humana.

O homo miserrime, quid sis meiorare,
Necnon ad quid factus sis semper recordare,
Qualem Deus fecit te, miser, meditare.
Heu qualem fecisti te ne quis cogitare!

Bonum satis fecit te, qui cuncta creavit,
Ac sæpe refecit te, quem peccatum stravit
Heu! heu! cur ingratus es ei qui te lavat
Suo sancto sanguine, quem pro te stillavit?

Quoniam, vanissime, invide, pompose,

Irracunne, cupide, fornicans, gulose,
Mendax, piger, negligens, detractor, dolose,
Omnis mali servus es, nimis vitiouse!

Resipisce, pessime, dum te vocat Deus,
Ne die judicii puniaris reus,
Non ingratus maneas, ut falsus Judæus;
Sed clama sapissime : Parce, Deus neus.
Erubesc, anima impia, ingrata,
Heu! cur non consideras? cur es obdurate?

Flendo da suspiria, gemeque prostrata,
Ut tua Cunctipotens deleaf peccata.

Heu me quanta est animæ hebetudo!
Quam diverse occupat sæpe turpitudo,
Cui sanctimonias deest habitudo,
C Nisi ficta forsitan vix similitudo!
Raro se opus videt vix recordari :

Vix ut oret, misera, potest excitari:
Legere desiderat magis quam precari,
Sed, heu! vanitatibus nequit satiari.

Nam dum Altissimum orans deprecatur
Pene inutilia sæpe meditatur,
Heu! ream esse se nec recordatur,
Sed discurrens undique vane pervagatur.

Apparere nititur a foris agnina,
Sed manet interius, proh dolor! vulpina,
Debita servitia dum agit divina,
Semper in volvendo est, ut sunt molendina.

O quoties opus a te faciem avertit,
Et ad curas noxias cito se convertit!

D Quæ deberet facere non animadvertis,
Sed se male occupans seipsam pervertit.

Nempe carnis labia canunt verba vitæ,
Et adoravit sæpius corpus quoddam rite:
Sed hoc malum animæ est Dei oblite,
Nudæ bonitatibus, vitiis attritæ.

O cordis vesania multum abhorrenda,
Graviter a Domino juste punienda;
O cordis discursio jugiter deflenda,
Et juvante Domino a cunctis plangenda.

O cordis vacatio, o inquietudo!
Heu! heu! hæc est animæ meæ ægritudo
A qua elongata est vera sanctitudo,
Et perfecta criminis sui pœnitudo.

Deus mens, sana me tua medicina,
Corporis et animæ dignum morte bina :
Salutaris calicem mihi mox propina,
Et ad juvandum me, deprecor, festina.

Parce una Trinitas, uitaisque trina,
Pater, Fili, Spiritus, Majestas divina :
Parce qui creasti me, ne fraus serpentina
Me credentem opprimat mortis ruina.

Pater, te per Filium deprecor Messiam
Ut te solum diligam, fac et ut me sciām;
Cogitem continue passionem diam,
Humilis in oculis cordis ego sum.

Propter Matrem Virginem rogo, Jesu bone,
Ut cor meum vulneres tua passione,
Inde jugi perfruar meditatione,
Et Mariae virginis ex compassionē.

Dens, sancte Spiritus, qui in deitate
Et [es] persona tertia, plena pietate :
O:secro propitium mihi semper da te,
Fac memor Christi sim passionis grata.

Dei beneficia.

Deus, quanta debeo pietati isti,
Qui me ad imaginem tuam condidisti
Quem vilem vermiculum facere quivisti,
O quam multa munera huc usque auxisti.

In peccatis genitum: baptismo mundasti,
Victus necessaria semper ministrasti,
Formam, census copiam, honores donasti,
Et in loco (60) optimo me nunc collocasti.

Hominis ingratitudo.

Heu ! bis donis omnibus scio me ingratum,
Quia non custodio Domini mandatum
Sed negligentissimum reddo famulatum :
Atque nimis pronus sum ad omne peccatum.

O dolor, o gemitus, quid est quod (61) ego feci ?
In quantam versutiam me ipsum dejeci ?
Non est malum aliquid, quod ego non feci,
Heu ! in bonis omnibus non est quod perfeci.

Heu, quid aget anima sic in malis strata,
Quæ fetet in vitiis velut reprobata :
Certe hic petenda est ut sit Advocata,
Quæ saepè refugium est reis probata.

Deprecatio ad Virginem Mariam.

O misericordiae Mater et Regina,
Semper Virgo permanens, Genitrix divina,
Miserere animæ, quæ jacet supina,
Oppressa multiplici peccati sentina.

Tibi pro Deo supplico, per quem venit vita,
Cujus est clementia ubilibet sita,
Per quam est astutia dæmonis contrita,
Ut nati justitia per te sit lenita.

Primum fac ut diligam Dominum perfecte,
Nunquam eum deseram meditando, nec te;
In fide catholica semper vivam recte,
Carens omni scandalo infidelis sectæ (62).

O quantæ sunt gratiæ, quas per te recepit

(60) Videtur hic Anselmus loqui de suo monachatu. Vide in legenda et comment. n. 25 et 26.
(61) Dolere videtur de accepta ab Henrico episco-

A Homo olim perditus, quem dæmon decepit,
Dum ex te Altissimus naturam suscepit,
Et misericorditer nos juvare coepit.

Exprobratio ignorantie humanae.

Majestas altissima se exinanivit,
Et in te purissima carne se vestivit,
Cursu novem mensium completo prodivit,
Sine voce parvulus, qui immensus vivit.

En quantum Omnipotens pro te inclinatur,
Et adhuc, vir fælide, cor tuum inflatur ?
Deus, Dei Filius pro te lacrymatur,
Et adhuc in risibus cor tuum letatur ?

Christi nativitas.

Deus pauper nascitur, et tu vis ditari ?
Ponitur in præsepi, tu vis honorari ?

B O fetens superbia, disce non fatuari,
Quia idem jussit nos ipsum imitari.

Inops, et in frigore nascitur in via
Quem lactat et balneat et nutrit Maria,
Molesta non spernere docet nos hic pia,
Dum flet, sitit, esurit Christus, proles dia.

Infans piissime, mei miserere
Peto pro obsequiis Matris tam sincere,
Dona mihi lacrymas charitatis veræ,
Ut tuis doloribus possim condolere.

Circumcisio.

Heu, cur non compatiор resundo risus,
Et amaris lacrymis abluedo visus,
Dum puer tenerrimus dolet circumcisus,
Quem cum choro cœlico laudat paradisus ?

Adoratio magorum.

Angeli pastoribus te nuntiaverunt,
Ac magi muneribus te adoraverunt,
Perdere te perfidi mox proposuerunt,
Sed tecum a patria parentes fugerunt.

Fuga in Ægyptum.

O quis non compatitur tantillo infanti
Tam cito insidias pati inchoanti,
Labores itineris hujus toleranti,
Atque Matri Virgini ipsum bajulanti ?

Nam Matrem, quæ egredi domum vix solebat,
Modo casus Filii in tantum cogebat,
Quod a sua patria nocte fugiebat,
Cum recenter edito, quem secum gerebat.

D O Jesu piissime, o puer tenelle,
Pro amore obsecro Mariæ pueræ,
Omnis tuæ reple me passionis felle,
Meque tibi jugiter servire compelle.

O Virga fructifera, o flos seminarum,
Angelorum Domina, et orbis terrarum,
Pande mihi, supplico, quidquid sit amarum
In cunctis quæ passa es pro salute animarum.

Utinam tunc Josephi servulus suissem,
Certe libentissime te, Jesu, gessissem,
Vel ad minus asinum Virginis duxissem,
Et cuncta servitia gaudens implevissem.

patus investitura. Vide ib.

(62) Henricianos et schismaticos innuit. Vide ib. n. 86 et 87.

Poma, rosas, lilia, velle collegisse,
Et quidquid puerulo posset placuisse;
Heu, cur non licuit mihi te vidisse,
Et parvulo pulcherrimo predicta fecisse?
Forte, pie parvule, me non repulisses,
Sed meum officium grata accepisses,
Ac servo sollicito clemens arrisisses,
Nec non indulgentiam precanti dedisses.

Disputatio in templo.

Dum puer duodecim annorum moratur
In templo Jerusalem, Mater costristatur;
Quem dum querens reperit, cum Josephi miratur,
Qui doctos interrogat et stupenda fatur.

O quis novit gemitus Virginis dolentis,
Suum unigenitum triduo querentis,
Cur sic ille fecerit pie conquerentis?
Hoc dolore vulneres, Jesu, cor legentis.

O quam saepe aestimo, dixit Mater Christi,
Ileu! meum solatium! cur me reliquisti?
Quo, mi nate unice, heu! quo ivisti?
Redi, precor, fili mi, redi matri tristi.

Utinam post Jesum sic cor meum langueret,
Et querendo jugiter intime doleret!
Forte clementissimus mihi appareret,
Ac suæ clementiæ firmam spem præberet.

Sed, heu! Jesu, cor meum hoc caret languore,
Raro enim queritur te, nec tunc cum fervore;
Tibi illud, Jesu mi, retrahere timore,
Quieta dulcedine, restringe amore.

Subderis parentibus, regens universa;
Cui cuncta serviant, servis vice versa.
O divina charitas, nimis es dispersa,
Dum pro nobis miseris sustines adversa

Baptismus.

Baptizatus promeris a voce paterna,
Descendente super te columba superna.
In deserto esuris, o Virtus æterna,
Victo hoste congregas agmina fraterna.

Aqua facta vinum.

Vocatus ad nuptias incepisti signa,
Matre admonente te omnibus benigna.
O cur reprehenditur Genitrix tam digna,
Quæ nulli negat suæ pietatis signa!

Tamen quod suggesserat, statim faciebas;
Quia nihil poterat nisi quod volebas;
Nam in vinum optimum aquam convertebas,
Et per hoc discipulos ad fidem trahebas.

O Virgo purissima plena summis bonis,
Ditas omnes miseros tuis sacris donis:
Reple vino optimo nos devotionis,
Unicum irriguum da compunctionis.

Ileu! benignissima Mater benedicta,
In nobis devotio non est nisi ficta:
Frigida sunt pectora animaque afflita,
Succurre mox miseris spes reorum dicta.

Jesu benignissime, ob Matris honorem,
Verte corda frigida in tuum amorem:
Ut semper multiplicem pensemus laborem,
Quem pro nobis passus es, multumque do'orem.

OPUSCULA SPURIA.

A Nam in exercitiis te exemplum dando,
Quod nos doces facere, imples pernoctando
In orationibus, et in vigilando,
Fatigaris, esuris, sitiis laborando.

Miracula.

Villas, castra circuis, regnum prædicando -
Surdos, mutos, languidos, cæcosque curando,
Expellendo dæmones, mortuos levando,
Pluribus das veniam peccata laxando.

Disputando etiam diceris lassatus,
A Judæis ipsis saepe reprobatus,
A quibus multoties es injuriatus,
Neconon aliquoties ab his blasphematus.

Pro me quanta sustines, o beatitudine!
Pro me sis ut debilis, Dei fortitudo.

B Pro me vilis visa es, vera pulchritudo:
Et sis quasi indigens, summa plenitudo.

Pro me augustata es, longa latitudo,
Pro me breviata es, ista longitudo,
Pro me inclinata es, magna altitudo,
Pro me prona iuvinces, alta magnitudo.

Cur tot dura sustines, tanta celsitudo?
Tibi nimis recta est tua rectitudo.
Ergo me tot munerum vincat multitudo,
Ut in me sit erga te semper gratitudo.

Triumphus Hierosolymorum.

Consummato tempore prædicationis;
Sic super asinum, qui sedes in thronis
Properas Jerusalem, causa passionis?
Turbe vocem resonant venerationis.

C Nunc festina, anima, curre sine mora:
Quia, ut consideras, ecce venit hora.
Dominum cum cæteris collaudans adora,
Ut secum te deducat ad crucem implora.

O quantum gavisi sunt Mater et amici,
Cernentes a populo Jesum benedici,
Christo, David Filio, Hosanna que dici!
Sed, heu! inde invident ejus inimici.

O mea fiducia, Genitrix beata,
In laude tui Filii valde jucundata,
Heu! quanta tristitia eris cruciata,
Paulo post cum videris cuncta hæc mutata?

Christus venditur.

Nam in necem Filii principes majores
D Ineunt consilium, legis transgressores,
Constituto pretio, pessimi emplores
Permittunt se fieri Judæ debitores.

Heu! heu! mea Domina, Virgo singularis;
Venditus est Filius, et adhuc lætaris?
Heu! cur unigenitum clare non precaris,
Ut priusquam passus sit, ipsa moriaris?

Tu natu præsentia multum delectaris,
Et affectu maximo ipsum imitaris:
Heu! de tua anima minus meditaris,
Torquenda in proximo luctibus emaris.

Heu! quandiu torpeo in corde tam duro,
Et nihil compatior Jesu morituro,
Vel dolori maximo paulo post futuro
Meam dulcem Dominam fere perempturo

Jesu, cui nihil est penitus occultum,
Usquequo sic sustines tecum Judam stultum?
Qui, dum tibi exhibet simulatum cultum,
Te ipsum, in quo tradat te, optat nimis multum.

Tunc missis discipulis cum signo lagenæ,
Pergis ad hospitium præparatæ cœnæ:
Tunc sedes in medio turbæ duodenæ,
Mandas ut se invicem diligent serene.

Cœnat.

Tunc te, ut prædixeras, dicis moriturum,
Et ex eis unum te fore traditurum;
Eorumque quilibet a te fugiturum,
Sed et Petrum nocte hac ter te negaturum.

O dolor, o gemitus, quantum turbabantur?
Ac de tanto scelere onines tristabantur,
Quando nolle fugere se pollicebantur!
Et quis esset traditor, mox sciscitabantur.

Pedes lavat.

Exemplum interea das humilitatis,
Subditorum pedibus a temet lavatis:
Sed et corpus proprium das in cibuni gratis
Illi, atque omnibus in te baptizatis.

Eucharistiam instituit.

O quid ego faciam, massa peccatorum,
Omnium miserrimus qui sum miserorum,
Dum tu flectis genua, Rex universorum,
Ac lavas vestigia tuorum servorum?

Jesu clementissime, fons amoris casti,
Tu mortales homines in tantum amasti,
Quod te ipsum credulim in cibum donasti,
Et ut tui memores te sumant, mandasti.

Christe benignissime, Fili summi Dei,
Pecor indignissimus miserere mei,
Tantum charitatis da, fidei atque spei,
Ut digne mysterium sumam tantæ rei.

Quid hinc reddam gratiæ, qui me sic dotasti?
Qui tuo mysterio tanto deputasti?
Ac indignum miserum semper tolerasti,
Et cum tuis famulis manere donasti?

Heu! mihi quid faciam, o summa dulcedo?
Cur sic inde votus sum, dum te ipsum edo?
Heu! nimis culpabilis, et durus accedo:
Heu! illic durus sum, durusque recedo.

O Jesu, quid faciam vermis et putredo?
Cujus mentem opprimit peccati nigredo,
Me ministrum dignum fac, Deus, in quem credo,
Pro amore Virginis Matris intercedo.

Mirum est certissime quod te comedendo
Anima non liquescit pure diligendo:
Sed, heu! esurio, duraque rependo,
Nec molliri valeo paululum deflendo.

Parce mihi, Domine pie, tribucado,
Ut compungi jugiter queam te sumendo,
Semper Matrem Virginem atque te colendo,
Tuam cœnam ultimam mente recolendo.

O si mea Domina tunc præsens fuisset,
Et tradendum Filium hac nocte audiisset:
Cibum ut existimo, prorsus non sumpsissem,
Sed amaris lacrymis statim se dedisset.

A Heu! mihi, charissima, heu! dilecta mea,
Laus sanctorum omnium, nunquam semel rea
Utinam existeres nunc in Galilæa,
Ne videres Filium passum in Judæa!

Pie Jesu, supplico pro Matris amore,
Reple me gravissimo tuo nunc dolore,
Ut tibi compatiens maximo fervore,
Suspirando rugiam fletu largiore.

Cernam cordis oculis te tanquam præsentem,
Passiones singulas pro me sufferentem,
Tuam Matrem juxta te tibi condolentem,
Ad tormenta singula quasi morientem.

Virgo Dei Genitrix, præ cunctis beata,
Pro misericordia precor ex te nata,
Pande mihi qualiter fuisti gravata,

B Tua prole coram te tantum cruciata.

Mea, mea Domina, plena gratiarum,
Dona mihi, obsecro, tuum cor amarum,
Et abundantissimos rivos lacrymarum,
Ut tuarum sentiam vim angustiarum.

Utinam ex munere tuo, Jesu Christe
Torqueat me quotidie nimis dolor iste,
Sicut Matris Virginis cor torquebat triste,
Dum te crucifixerant crudeles lanistæ!

Deus homō, quis de te cogitet intente,
In nimis passibili corpore manente,
Passo tot angustias corpore et mente,
Et totus in lacrymas non fluat repente?

Quis, o Dei Genitrix, potest meditari,
Te deflente Filium pœnis cruciari,
Ac tantis angustiis jam jam fatigari,
Et non potest subito ad fletum mutari?

Heu! mihi durissimo cur ego non comploro?
Heu! ut quid tam durus sun, dum te Matrem oto?
Domina circumdata supernorum choro,
Lacrymas uberrimas da mihi, te imploro.

Orat in horto.

Audi Jesum, anima, velut nunc præsentem:
Surgite, eamus hinc, fratribus dicentem,
Ac responde concite deprecans loquentem:
Fac me, Jesu, sequi te ad mortem pergentem.

Sudat sanguinem.

Vide hunc discipulos orare monentem,
Et orando Patrem ter in terram ruentem,
Carnem in angustia, tristem, et paventem,
Ac sudorem sanguinis ab ipso fluentem.

Quid facis fortissime, Fili Dei vivi?
Nunquid tu tam tristis es ut ii pandunt rivi?
De tanta angustia nunquam jam audivi,
Et tamen ut debui, flecte, heu! nequivi.

Quid si mea Domina haec præsens vidisset,
Nunquid cum apostolis ipsa obdormisset?
Nequaquam certissime, sed multum flevisset,
Et dolore nimio pene defecisset.

Heu! heu! mea Domina, semper Virgo pura,
Hora est jam proxima, dies cras futura,
Quando unigenitum tuum es visura,
In cruce deficere morte nimis dura.
Sed nunc cerne, anima, turbam malignantem,

*Et Judam falsissimum, Jesum osculantem,
Ad quid Judas venerat audi sciscitatem,
Et illum nequissimum amicum vocantem.*

*Tunc voce lenissima Dominino dicente
Ad eos : *Quem queritis?* corrunt repente.
Quid facturi erunt tunc Jesu veniente
Judice terribili illis.apparente?*

*O quis sine gemitu potest cogitare
Illi impissimos te Jesum ligare,
Manusque sanctissimas tam dure arctare,
Heu ! cur ego pessimus nequo plorare ?*

Ducitur ad Annam.

*Tunc omnes discipuli metu fugientes,
Heu ! solum relinquunt te inter saevientes.
Certe nimis duri sunt corde, intuentes
Te ad Annam deduci, si non sunt dolentes.*

Fugiunt discipuli.

*O sancti discipuli, o mei patroni !
Cur non fidem facitis vestrae sponsioni ?
Sei sermo verissimus est Magistri boni,
Dum ad fugam concitam estis ita proni.*

*Attamen intelligo multum vos tristari,
Et in mente graviter intus cruciari.
Sed peto dignemini Jesum deprecari,
Ut mihi inconstitiam dei cordis amari.*

Crudeliter tractatur.

*O Virgo sanctissima, si tu praesens natum
Cerneret ab impiis tam striete ligatum,
Et despicibiliter ab illis tractatum,
Vere amarissimum dares ejulatum.*

Alapa ceditur.

*Nunquid tu non somnias qualiter est Jesus
Captus a malevolis, vinculisque Iesus ?
Heu ! cur meus animus permanet illaeus,
Dum Christus est alapa apud Annam caesus ?*

*Usquequo piissima differs vulnerare
Meum cor angustiis tuae proliis charge ?
O mea fiducia, supplico dignare
Dolores et vulnera pati mihi dare !*

*Contemplare, anima, Jesum destitutum,
Et in duris vinculis arte constitutum,
In pravo concilio principum statutum,
More agni simplicis nil esse locutum.*

Mittitur ad Caipham.

*Confitere venerans false accusatum,
Derisum a Caipha, et interrogatum,
Sed bene intellige rursum reprobatum,
Et futurum judicem Jesum esse datum.*

*Christe benignissime, qui es adventurus
In die novissimo nos judicaturus,
Justis delectabilis, eos salvaturus,
Injustis terribilis, eos damnaturus,*

*Obsecro, piissime, ob cruorem dignum,
Quem fudisti propter me super crucis lignum,
Tuum vultum mihi tunc ostende benignum,
Ne formidem aliquem spiritum malignum.*

*Propter matrem Virginem, quae a dextris tuis,
Tunc sedebit nobilis, ut ore pro suis,
Silva in perpetuum me cum sanctis tuis,*

A Qui nunc super impios atque pios plus,
O quis sine lacrymis potest meditari,
Jesu, quid te permiseris tantum tribulari,
Blasphemum a Caipha te judicari,
Ad mortem turpissimam a pravis damnari
Iridetur, conspuitur.

*Post haec fere singuli in te irruentes,
In præclaram faciem turpiter spuentes,
Alapæ et colaphos undique præbentes,
Ad lugendum excitant amatorum mentes.*

*Dolens cerne, anima, istos saevientes,
Heu ! capillos capitum, et barbare vellentes,
Ac velatam faciem palmis ferientes,
Simul quidquid poterant, mali facientes.*

Soliloquia.

B O dolor, o gemitus ! quare miser ego
Intime non doleo, dum haec mala lego ?
Nisi qui malus sum, et hoc ipsum tego,
Et, heu ! aliquoties sic me esse nego.

*Delicata facies Dei Jesu Christi,
Vide me his oculis quibus respexit
Petrum ter negantem te, sicut predixisti,
Ut tibi compatiar pro me nimis tristi.*

*O Judæi impii superbi et vani,
Quare insanitis sic, veluti vesani ?
Deus, Dei Filius est, o nimis profani,
Quem vos sic affligitis velut inhumani.*

*Jesu potentissime, Fili Dei veri,
Quare vis pro misericordia tam vilis videri ?
Certe nimis plenus es amoris sinceri,*

C Dum a viris impiis tantum vis torqueri.

*O si mea Domina te videret stantem,
Ac tantas angustias pie tolerantem,
Nullum, ut aestimo, quis vidi sic plorantem,
Sicut eam cerneret, ac pati optantem.*

*Heu ! quid factura est, o digna majestas,
Maria, quæ aluit te, summa potestas,
Cras cum cernet te cadere per manus infestas,
Et virtutes corporis arentes, ut testas ?*

*O mea fiducia, si natum dilectum
Multis contumeliis, et poenis affectum
Blasphemari cerneret in crucem erectum,
Eum esse diceret nimirum directum.*

*Heu ! heu ! mea Domina, qualem dabis hæc
Paulo post cum videris ventris tui fructum,*

D Ad tormenta gravia a perversis ductum,
Ac tortum deficere, quasi jam destructum ?

*O Jesu, qui Deus es, et homo perfectus,
Quare vis tam viliter sedere despectus,
Heu ! pro nobis miseris tam esse subjectus,
Pro nobis irrisus, et penitus abjectus ?*

*Videns pro se Dominum indigna subire,
Quis est fidelium qui audeat ambire,
Aut de tuis donis amplius superhire,
In te, spretis omnibus, post Christum venire ?*

*Decet neque singulos, qui volunt salvari
Propriam miseriam semper contemplari,
Linguæ spretis laudibus, vane non letari,
Sed despectum Dominum pie imitari.*

Absit ergo altum quid de nobis sentire,
Dulce sit injuriae sermones audire;
Pio corde jugiter demus locum iræ,
Studeamus omnibus bene obedire.

Heu ! mibi nequissimo amanti laudari,
Qui, licet culpabilis, renuo culpari,
Ac sœpe laudabilem me præsumo fari,
Heu ! mibi, quis pessimio potest comparari ?

O Jesu piissime, qui es vera vitis,
Fove me ut palmitem, et fac ut sim mitis ;
Mihi sit justitiae perseverans sitis,
Oro auctor nunquam sim, sed sedator litis.

Mater Dei, obsecro tuam pietatem
Ut mihi verissimam des humilitatem :
Expellas invidiam et asperitatem,
Et perfectam impetras mihi charitatem.

O mea fiducia, Mater Creatoris,
Jam me tibi offero, nutrix Redemptoris,
Me gubernas adjuva, precor, cunctis horis,
Fac me tui in memorem gladii doloris.

Licet nemo, Domina, possit plene fari
Dolores quos passa es morte nati chari ;
Tamen inde decet nos sœpe meditari,
Ac plorando intine tecum contristari.

Ileirco, piissima, supplico, dignare,
Inde verum aliquod cordi meo dare,
Facque me id taliter scribendo signare ;
Ut illud amantes te possit excitare.

Jesus sistitur Pilato.

Sed nunc vide, anima, illos invidentes,
Judæorum principes in Christum freientes,
Vinctum derisorie per vicos trahentes,
Ad Pilatum præsidem eum deducentes.

O Jesu, qui nequiter pro me es ligatus,
Falsis testimoniosis pro me accusatus,
Sei et cum latronibus pro me deputatus,
Ut tibi compatiar mihi da ploratus.

Precor, fac me nuntiam meæ Salvatrici,
Virgini piissimæ, tua Genitrici :
Quatenus mox veniat ipsa, et amici,
Et spectent quæ faciunt tibi inimici.

Propera nunc, anima, quamvis non libenter,
Enuntians hæc Dominae, et fac reverenter,
Circumspecte facias simul et prudenter,
Ne ipsa accipiat hoc impatienter.

Nunc quasi presenti dic voce luctuosa,
Laus tibi puerpera, Virgo speciosa,
Obsecro piissima, Mater grata,
Hæc tibi quæ refero ne sint onerosa.

Bene nosti, Domina, quia incarnatus
Est in te Omnipotens, et in mundo natus,
Et cum peccatoribus diu conversatus,
Ut nos ipse redimat, pro nobis humanatus.

Ob hoc, quantum prævales, noli conturbari,
Ne plus natum facias pro te molestari,
Sed ab ipso unanu rem digneris precari,
Ut mihi det plurimum pro se contristari.

Ac si roget ipsa : Quid habes amari ?
Tu dic : Veni, Domina, si vis speculoru

A Jesum tuum filium, vel cum eo fari,
Qui pro nobis incipit Patri immolari.
Tunc ipsa intelligens captum suum natum,
Et demum in vinculis ductum ad Pilatum,
Mox in amarissimum defluit ploratum,
Et corpus in terram concidit prostratum.

Sed nati charissimi compulsa amore,
Consurgens quantocius profusa pallore,
Properat ad Filium confecta mœrore,
Rugitum virgineo comprimens pudore.

Tunc juvantes Dominam ipsius sorores,
Ad Jesum, quem diligunt, pergunt ociores
Ostendentes lacrymis animi dolores ;
Sed illis Magdalena reddit largiores.

Dominæ, quid facitis provide videte.

B Obsecro, a fletibus paululum silete,
Lacrymas detergite, vel hic remanete,
Ne Jesum crucielis flentes indiscrete.

Ac ille ad Dominum, cito venientes,
In tanto opprobrio ipsum intuentes,
Condolentes multo plus, largiusque flentes,
Ad dolorem provocant omnes diligentes.

Tunc vidente Domina solus suum natum,
Plusquam surem aliquem esse tribulatum,
Cor ineffabiliter ejus est turbatum,
Et sic quasi mortua vix retinuit flatum.

At Jesus pro Virgine magis est turbatus,
Plusquam pœnis propriis pro ea tristatus.
Heu ! heu ! Jesu, undique tu es cruciatus,
Intus et exterius nimis es gravatus.

C Heu ! tantam inœstitudinem nullus unquam scivit,
Nec tam graves gemitus aliquis audivit,
Nec est mirabile, nam qui semper vivit
Dolorem multiplicem ibidem subivit.

Contemplare, anima, Jesum diligenter,
Cum inquis positum tam irreverenter,
Quem præses interrogans Pilatus frequente
Admiratur tacitum, stupens vehementer.

Jesu, qui non poteras loqui falsitatem
Et tamen tacebas, silens veritatem,
Ne sinas me cadere per loquacitatem,
Sed discretam mihi da taciturnitatem.

O Jesu, mihi da cor pensandi instructum
Oculorum Virginis planetum, atque luctum
Propere sequentium te ad Herodem ductum,
Et veste in candida spretum, et reductum.

O Virgo, quam obruit dolorum tempestas,
Unde tibi, Domina, sit ista potestas ?
Qua sic sequi poteras has gentes scelestas :
Vere amor filii vici res molestas.

O mea fiducia, quæ non habes parem,
Certe libentissime tecum ambularem,
Et ex fletu debilem libens sustentarem,
Vel si dares lacrymas saltem ut plorarem.

O quis sine gemitu potest meditari
Jesum cum dedecore tam male tractari
Pedes ductu celeri forsitan violari ?
Nam non fuit solitus ipse calceari.

Ecce amarissima sunt quæ sequuntur,

Et justæ compassiva quæ jam infliguntur.
Justæ ergo homines ingrati dicuntur
Qui Jesu sæpiissime non compatinntur.
Nunc te ipsam præpara, anima devota,
Super Jesum condoleas dans illi vota,
Lacrymas multiplicans sis pie lota,
In eum, si valeas, liquefias tota.

Ecce quantum amat te Christus nimis chare;
Nam te suo sanguine optat salvare,
Ac morte vilissima te sic liberare,
Quod tu semper negligis, nec vis redamare,

O Jesu piissime, succurrere poscenti,
Te amare usque nunc mihi negligenti,
Ac, quod multo pejus, pluries nolenti,
Heu! et contemnendo te sæpe offendenti.

Misericordissime, ignosce fatenti,
Salva et juva me, te ipsum da quærenti,
Filioque prodigo tarde revertenti,
Tu occurre, Pater mi, et parce petenti.

Jesu, qui repletus es miseratione,
Vulnerare velis me tua passione,
Ut tibi compatiar ex dilectione,
Velut nunc te intuens in afflictione.

O quis potest cernere illos malignantes,
Sine reverentia te, Jesu, nudantes,
Ad columnam nequiter, Jesu, alligantes,
Tuum atrocissime corpus verberantes.

Jesus flagellatur

Tremens cerne, anima, ministros sedentes,
Carnem hanc tenerrimam flagellis scindentes,
Vulnera vulneribus tibi infilgentes,
Livores lirib[us] superimponentes.

Quis non mœret speculans gubernantem mundum,
Sic perfusum sanguine veluti immundum,
Corpus hoc sanctissimum totum tremebundum,
Pectusque piissimum totum gemebundum.

Contemplare, anima, tibias, lacertos
Plagis multiplicibus undique refertos,
Omnes artus corporis sanguine opertos,
Defluentes rivulos crux apertos.

O corpus sanctissimum ad columnam strictum,
Pro me amarissimis flagellis afflictum,
Circumquaque roseo cruento amictum,
Aufer a me, obsecro, quolibet delictum.

Anima sanctissima pro me tam gravata,
Maximis doloribus pro me tribulata,
Depreco per Virginem, quæ est de te tristata,
Cuncta mea jugiter dilue peccata.

Sed Maria mater hæc sese affligendo
Lacrymas multiplicat jugiter defendo,
Alta dat suspiria amare gemendo,
Mœstisque singultibus pectus conterendo.

O quis sine gemitu potest te videre!
Inconsolabiliter, o Mater, lugere!
Præbe mihi lacrymas, fac me tecum flere,
Te deprecor, o mea spes, mei miserere.

En pudici oculi ex fletu tumescunt,
Genæ splendidissimæ ubique pallescant,
Sed, heu! membra filii sanguine rubeant,

A Ac tuæ angustiæ plus plusque concrescant.
Post tormentum verberum tam malitiosum,
Cunctis diligentibus valde luctuosum,
Sequitur mox aliud grave et probrosum,
Isto multo amplius contumeliosum,

Illuditur.

Nam cohortem milites totam colligentes,
Mitem Jesum ambiant probris illudentes
In honeste iterum eum exentes,
Et ueste purpurea ipsum induentes.

Spinis coronatur.

Tunc coronam spineam molestam plectentes,
Et in Jesu capite profunde figentes,
Pro sceptro arundinem in dextra ponentes,
Genuflexo, ave clamant irridentes.

B Mœrens cerne, anima, ministros cœdentes,
Faciem pulcherrimam Domini spuentes,
Caput cum arundine dire ferientes,
O quare non cruciet iste dolor mentes?

O caput Dominicum, omnibus colendum,
Cruentaris, pungeris, angelis tremendum,
Cæderis, conspueris, sanctis reverendum,
Vere tu es intime devotis dolendum.

O præclara facies ictibus afficta,
Heu! sputis et sanguine tota es depicta,
Jam a Deo inimicis quasi derelicta,
Proh dolor! hoc totum faciunt mea delicta

Bone, bone Domine, cur poenit tam duris
Permittis torqueri te pro nobis impuris?
Parce poenit, Domine, parce vel futuris,
Parce tibi, deprecor, vel Matris pressuris.

Inter hæc nequissimus exiens Pilatus,
Ne Jesum perimerent plebem est hortatus;
Nam nullus inventus est in ipso reatus,
Sed perversus populus ex adverso est fatus.

Contrariæ Pilati et populi voces.

Tunc produxit Deum flagellis cruentatum,
Et dixit: Accipite ipsum emendatum.
Sed pleni perfidia negant presentatum,
Poscentes a judice virum sceleratum.

Judex ne sic faceret, adhuc laborabat,
Crucifige, populus e contra clamabat:
Tunc injustus Dominum morti judicabat,
Et plebs nefandissima ob hoc exultabat.

D Quanvis horribilia sint ista prophetata,
Tamen ad sequentia parva sunt collata.
Heu! quantum est Genitrix in his tribulata!
Pene, sicut æstimo, est exanimata.

Contemplare, anima, quan sit onerosum
Matri caput filii cernere spinosum,
Ac præ natu hominum forma speciosum
Videre horribilem magis quam leprosum.

Heu! quam gravata es, cœlorum Regina,
Spectans tuum filium coronatum spina!
Certe in te irruit poena repentina,
Ex qua vulnerare me, supplico, festina.

Tunc sancta Magdalena, et omnes amici,
Gemunt amarissime luctu infelici;
Putto hac tristitia nequit verbis dici,

Sed hanc minus reputant Christi inimici.
Imponitur Christo crux.

Mox perversi milites crucem assumentes,
 Eam super humerum Domini ponentes,
 Jesum per Jerusalem ducant illudentes,
 Crucis ignominiam cunetis ostendentes.

Nunc attende, anima, Jesum nimis gratum,
 Ligui crucis pondere pro te oneratum,
 Delicatum humerum scias vulneratum,
 Et Jesum a populo pravo subsannatum.

Portantem turba sequitur.

Heu! Jesu, considero rem nimis molestam,
 Turbam tibi proximam militum iafestam,
 Judaeorum maxime deinde scelestam,
 Anteriorum a longe ultra modum molestam!

Heu! tanta processio non est laudabunda
 Nam in te prima pars est tota fremebunda,
 Sed peior est altera quasi furibunda!
 Heu! pro te est terlia tota gemebunda!

Mater et piae mulieres.

Mater Christi videns haec, tremens praे dolore
 Irruit in tristitiam morientis more,
 O quis ista cogitans non flet praे moerore,
 Certe nimis durus est, vel caret amore!

Sed sorores Dominæ eam sustinentes,
 Ambulant post Dominum acriter lugentes,
 Undique conspiciunt Jesum persquentes
 Clamose maleficum illum perstrepentes.

Christus prohibet fletum.

Tunc conversus Dominus cepit prohibere
 Filii Jerusalem super se lugere,
 Sed debere super se et super suos fere,
 Prædicens beandas has que non genuere.

O quis sine genitu potest meditari,
 Te, Virgo puerpera, sic angustiari!
 Omnes diligentes te tantum lacrymari,
 Ad locum Calvariae Jesum sic tractari.

O Mater cur properas cum Jesu ad crucem?
 Nunquid vis cum Filio pati mortem trucem?
 Heu! ubi visura es mori Judæ dueem,
 Qui creavit cherubin super veram lucem.

Virgo, quæ precantes te adjudas instanter,
 Christi poenit compati fac me festinanter,
 Da mihi nunc lacrymas, precor, abundanter,
 Et, ut ipsum cogitem fac perseveranter.

Aceto potatur.

Proh dolor! et liebile hoc, quod immutatur.
 Num Messias Dominus aceto potatur,
 Heu! ut morte in subeat, statim crux paratur;
 Et cum vehementia tertio denudatur.

Nisi sis lapideum cor vix habens metum,
 Intende diligenter, et habebis fletum,
 Pensa vestimentum hoc a Jesu deletum,
 Quem scias ex verberum plagiis jam repletum.

Vestibus nudatur.

Cerne turbam pessimam vestem hanc trahentein,
 Cuti et carni undique fortiter haerentem,
 Plagiis ruptis respice sanguinem fluentem,
 Ac Jesum ex plaga haec graviter dolentem.

A Certe magna gravitas istius tormenti
 Ad fletum sufficeret bene diligentem;
 Heu! mihi durissimo minus condolenti,
 Pie Jesu, mihi da lacrymas petenti.

Virgo, cui similis nunquam est inventa,
 Potes adhuc vivere videns haec tormenta?
 Ecce nuda Filii membra sunt cruenta,
 Heu! ut ista videoes adhuc es detenta.

Virgo, te considerans anxie plorare,
 Doleo te, Domina, sed heu! non, amare,
 Misericordissima, supplico, dignare,
 De hac poena tua me velis vulnerare.

Vides, mea Domina, natum generosum,
 Queni Propheta nominat præ cunctis formosum,
 Nunc poenis urgentibus virum dolorosum,

B Heu! et plagi pluribus totum ulcerosum

O turba Judaica, perfida, obscena,
 O vestrae duritiae aspera venena,
 O gens nefandissima, omni malo plena,
 Quare nihil flecteris in tam dura poena?

Sic tu, mea anima, dura et perversa,
 Cur in hoc tormento non es ad fletum versa?
 Quare non es lacrymis amaris aspersa,
 Videns membra Domini cuore conspersa?

O Jesu, digneris me confessim juvare,
 Me amaritudinem tuam fac gustare.
 Pro tuis doloribus fac me plorare,
 Nam hoc sine lacrymis pudet me pensare.

Heu! hoc miserabile est, et mirum vere,
 Qui te passum pensitat, et non potest fere,
 C Heu! quomodo potest se talis contineare?
 O Jesu, durissimi mei miserere.

Crucifigitur.

Item vide, anima, in Jesum bacchantes
 Super crucem asperam duriter locantes,
 Membra horribiliter ferro perforantes
 Christumque durissime in ligno clavantes.

Condolendo respice populum vesanum,
 Num corpus premere tenerum, non sanum,
 Super lignum jacere asperum, non planum,
 Et crasso transligere clavo pulchram manum.

Contemplare manum hanc longam, et decentem
 Perfossam arctissime pro te patientem,
 Sanguinem largissime pro te effuentem,
 Vulnus amarissimum pro te sufferentein.

D O manus sanctissima, pro me penetrata,
 Clavi crassitudine multum laniata,
 Percussorum impetu dire lacerata,
 Scribe in me qualiter es angustiata.

Pensa haec, durissime, qui nunquam flevisti,
 Voca instantissime magnæ poenæ isti.
 Plorabis, si senseris hunc dolorem Christi,
 Vel quod ex eis contingit ejus Matri tristi.

Nenipe Mater videns hoc, multo plus languescit,
 Et commota acriter in se contabescit,
 Sensu fere perditæ semelipsam nescit, §
 Sed in fletu diffluens quasi iam liquescit.

Proh dolor! molestia hujus plague diræ
 Matrem poenis Filii videtur ferire,

Curre, curre, anima, nunc festina ire,
Ut tu possis Dominam cadentem fulcire.

Heu, hæc est, Domina, dies tibi dura,
Nam circumdederunt te modo matris jura,
Nunc plusquam parturiens sentis mala plura,
Quæ carebas pariens materna pressura.

O dolor! o gemitus! quo te es versura,
Undique afflita es ex natu tortura?
Qualiter mensura es stigmata futura,
Quæ in tantum deficis pro ista fixura?

Porro tam flebiliter manu hac siccata,
Altera distenditur ut sit conclavata,
Sed nimis foramina sunt inordinata,
Ultra longitudinem corporis formata.

O dolor! o gemitus! quid nunc sunt facturi.
Gemant qui considerant iam non corde duri,
Cum festinant trahere pravi perituri
Ad loca foraminum membra Christi puri.

Ut legisti, anima, cerne diras gentes,
Inhumanos milites, heu! nimis furentes,
Membra tui Domini cum vi distendentes,
Et in modum pellium hinc inde trahentes.

Quis effari potest, quod tantum tetenderunt
Ut membratum Dominum pene diviserunt (65),
Pene ossa omnia ejus nudaverunt,
Ac clavis crassissimis membra transfixerunt?

O quis loqui poterit horribilitatem,
Aut crucifigentium hanc crudelitatem,
Patientis Domini hanc poenitatem,
Matris et amantis hanc anxietatem?

Ilic nostræ duritiæ penitus frangantur,
Medullæ in lacrymas sanguinis vertantur,
Cuncta desideria in Jesum figantur,
Et sic corda valido dolore scindantur.

Sive fletu pudeat nos hæc præterire,
Ilic a cordis gemitu decet nos rugire,
At enim flente Domino dolorem sentire,
Vel si ipse dederit, cum eo obire.

Flet Christus in cruce

Contemplando, anima, hic dilata mentem,
Vide Jesum maximas poenas sufferentem,
Pro te amarissime in tormentis flentem,
Intus, et exterius totum patientem.

Ecce horribiliter membra extenduntur
Cutis, caro aspero ferro fodiuntur,
Heu, compages ossium a se dissolvuntur,
Atque membra sanguine cuncta perfunduntur.

Et manus tenerrimæ clavis perforantur,
Pedes modo simili dire terebrantur,
Nervi cum subtilibus ferris lacerantur,
Sic et venæ teneræ clavis laniantur.

Vide, vide intimos istos cruciatus,
Cordis ejus gemitus, atque ejulatus,
Oculorum pariter uberes ploratus,
Utque decor corporis totus est ablatus.

O Jesu piissime, quid est, quid egisti?
Quare tot pro miseris tormenta subisti?

A Faciam consignari me passioni isti,
Plagis tuis læde me atque morte tristi.

Item cerne, anima, vultum Matris flentis,
In ipsis angustiis jugiter praesentis,
Pensa ineffabiles poenas ejus mentis,
Urgente incommodo pene morientis.

Heu, Virgo pulcherrima, peccati ignara
Feminisque pridie cæteris plus præclara,
Nunc pallens, et lugubris tota es amara,
Patiente coram te tua Prole chara.

Compellor, o Domina, de te reticere
Quia te considero amplius dolere
Quam sermones aliqui possint fari vere,
Aut mentis meditatio comprehendat mere.

B Non miror, o Domina, Virgo redimita,
Quæ in tam flebilibus es tormentis sita;
Sed admiror quomodo perseveras ita,
Et quod cor non rumpitur abscedente vita.

O mea fiducia! deprecor ut velis,
Statim me perfodere tuæ poenæ telis,
Fac ut tibi jugiter servus sim fidelis,
Et meam Dominam adorem in cœlis.

O quis sine lacrymis potest hæc pensare
Tot sufferre gravia Dei Salutare,
Hancque Matrem Virginem tam multum plorare,
Sanctosque apostolos multa tolerare?

C Joannes apostole, qui ista vidisti,
Videndoque intime condolens levisti,
Fletus mihi impetræ, vulneraque Christi,
Juva me, cum videris, ante Jesum sisti.

O amatrix Domini, pia Magdalena,
Quem vidisti perpeti multo luctu plena,
Peto pro multiplici, quam tu vides, poena,
Mihi luctus obtine, et poli amœna.

O reliquæ sanctæ feminæ, singulæ Mariæ,
Quæ vidistis gravia tormenta Messiae,
Pro me preces fundite semper proli piæ,
Ut salvum me faciat in extrema die.

Per Christi, adjuro vos, vulnera cruenta,
Pro quibus moestissima dedistis lamenta,
Juvate ut spernam hostis tentamenta,
Et ut non sustineam æterna tormenta.

Nunc affectans animus lacrymarum fructus,
Iterum ad Dominum totus sit reductus,

D Nunc, nunc pia anima sias aquæ ductus,
Dehinc tota si valeas, liquecas in luctus,

Specta, specta intime Jesum ejulando,
Circumquaque vulnera singula scrutando,
Qualiter gravata sint pie explorando,
Et quid pravi fecerant crucem exaltando.

Ecce, ecce elevant signum nominatum,
Spiritu propheticō prius præsignatum,
Jesum, verum hominem, Deum, Dei natum,
In ligno arctissime tensum et clavatum.

Gemens, cerne, anima, crucem erigentes
Tandem cum impetu nimio figentes:
Ilie, disjuncta graviter membra collidentes,

(65) Vide Suar. in' nr. p. tom. II, dis. 36, sect. 4.

Et ineffabiliter Dominum torquentes.
 Quis non mœreat videns furorem malorum,
 Christi fletus copiam et suspiriorum,
 Haec pœnam gravissimam omnium membrorum,
 Disjunctorum scilicet ita collisorum?

Curre, curre, anima, nunc, si sis devota,
 Ad hanc crucem propera sine mora tota,
 Discurrentem sanguinem collige et pota,
 Et cuncta quæ passus est in æternum nota.

Contemplare clavos hos manus transfigentes,
 Totum pondus corporis, proh dolor! gerentes
 Heu, ineffabiliter vulnera augentes,
 Et ut vere æstimo, ea discidentes!

Lasso collo, heu! caput pendet dolorosum,
 Carens sustentaculo, cruentum, spinosum!
 O quis non fleat intuens vultum speciosum;
 Cruentatum, pallidum, lugubrem, verberosum?

Certe qui hæc cogitas et non lacrymaris,
 Non satis diligere Deum comprobaris,
 Jesu, mihi lacrymas precor largiaris,
 Me amare parum te nunquam patiaris.

Orat pro crucifixoribus.

Jesu, qui ab impiis in cruce clavaris,
 Et tamen his veniam a Patre precaris,
 Mei et credentium tu miserearis,
 Nobis parcas jugiter, nunquam irascaris.

Item vide, anima, qualiter Iudei,
 Sacerdotum principes, Scribæ, Pharisæi
 Clamant : Vah! qui destruis templum veri Dei,
 Salva temetipsum, si es Filius Dei.

Suspensi cum Domino illi duo rei,
 Unus : Salva te, et nos, loquitur ei :
 Alter petens gratiam ait : Memento mei.
 Cui spondet Dominus paradisum Dei.

Jesu amantissime, qui non offendisti,
 Quare tot immania tormenta subiisti?
 Certe pro me, Domine, hæc sustinuisti,
 Et quod ego rapui, tu passus solvisti.

Ego tuæ meritum sum traditionis,
 Vinculorum, verberuin, et damnationis,
 Sputorum, ac ictuum et occisionis,
 Ego causa tuæ sum omissis passionis.

Ego mala perpetro, tu pœna mulctaris;
 Ego, heu, superbio, tu humiliaris;
 Ego vane rideo, et tu lacrymaris;
 Ego vescor dulcibus, tu felle potaris.

Mecum ridet timida Eva, et non pia:
 Tecum plorat acriter humilis Maria,
 Ego sum in prosperis, tu in agonia:
 Fac me tecum compati, precor, o Messia.

Ecce sancta viscera distensa arescunt,
 Membra horribiliter cruenta rigescunt,
 Caligantes lacrymis oculi languescant,
 Labia nectarea, proh dolor! pallescunt.

O Jesu omnipotens, qui cuncta discernis;
 Quare hoc sanctissimum corpus ita spernis?
 Nonne esset melius non subdi infernis?
 Quam, te Deo sic torto, perfri supernis?

Vére amor nimius ad hæc te coegit,

A Et quasi in nihilum fere te redigit;
 Triumphatrix charitas opus hoc peregit,
 Sed nostram duritiam, heu, adhuc non fregit.
 O ingrata anima, prava, indevota,
 Quare non es pœnis his planetisque commota?
 Ecce tu es Domini morte dira lata;
 Hæc pro tuis vitiis passio fit tota.

Apparet, nequissima, quod jam cares vita,
 Dum hunc passum cogitans, dura manes ita;
 Sic dum Jesum comedis veluti oblita,
 Heu! nec tunc, nec alias bene es contrita.

Vide Dei Filium, virum virtuosum,
 In verbo et opere pridie formosum;
 Magis quam maleficos nunc opprobriosum,
 Vocatum a pluribus pro te scelerosum.

B O Jesu piissime, qui es nimis gratus,
 Et te passum cogitans vix sum lacrymatus,
 Precor, benignissime, da mihi ploratus,
 Pande mihi qualiter tu es vulneratus.

Heu! mibi qui nequeo per compassionem
 Corde semper gerere tuam passionem,
 Summam Dei erga me hanc dilectionem,
 Summam Dei gratiæ hanc diffusionem.

Cur si membra Domini fidèles dicuntur,
 Patienti Capiti non compatiuntur?
 Heu, in multis imminet quod jam exciduntur,
 Qui dolore Capitis nostri non cernuntur.

Scio quod si meus pes male laderetur,
 Ad compatiendum cor totum vigeretur.
 Ergo pedem diligi plus Christo videtur,
 Pro cuius angustiis parum vix moveretur!

O Jesu! qui penitus nunquam peccavisti,
 Nonne ut conjungerer tibi, me fecisti?
 Cur non reum lœdi me, Christe, permisisti,
 Et, heu, tecum reum me non vulneravisti

Ego sum, qui debeo esse vulneratus,
 Non tu, qui nequitiam non es operatus.
 Ego sum culpabilis, meus est reatus,
 Vulnera me, ut a te non sim separatus.

Pia proles, deifica bonitate plena,
 Sic tenere vulnera noli aliena;
 Tua facta bona sunt, mea sunt obscena;
 Vulnerare velis me vel ex tua pœna.

Dominator, Domine cœli, atque terræ,
 Precor vulnerare me, nec velis differre,
 Nam illæsum meum cor nequeo sufferre,
 Dum pro me tot vulnera video te perferre.

Nonne magis pium est virum a te factum,
 Tecum in vulneribus tenere subactum,
 Quam a te dimittere in nihil redactum,
 Cogitationibus diversis valde subtractum

Curre, curre, vulnerate Jesu, in hac hora,
 Ne forte amittas me, si intersit mora:
 Da ut tua sentiam tormenta majora,
 Sculpe in me vulnera tua acriora.

Qui permittis ferrum te intus penetrare,
 Cur rationalem me sinis foris stare?
 Ferro viorem noli me reputare,
 Sed in tua vulnera coge me intrare.

Jesu, tuas supplico miseraciones,
Propter Matris merita et orationes,
Per sanctorum omnium intercessiones,
Ut pensem ego jugiter tuas passiones.

Mihi sit pensandi te copiosus fletus,
Semper sim recordans tuis lacrymis repletus,
Oro, fac ut nunquam sim nisi in te laetus,
Tu sis meum gaudium, et amor secretus.

Jam nunc Matri Virgini, anima, intende,
Quantum ipsa doleat sub cruce perpende,
Ut te secum vulneret, preces mox impende,
Et quod illi condoleas lacrymis ostende.

O quantum es, Genitrix, intus cruciata,
Ob tormenta Filii tam multiplicata;
O Virgo Christi, vere mea advocata,
Mihi inde aliquid pande exorata.

O mea fiducia, et mea patrona,
Omnis pudicitiae rutilans corona,
Esto præsens spiritu, quamvis non persona,
Ut quod ipsa doceas, loquar, Mater bona.

Loquere nunc, Domina, super omnes digna,
Reum ne despicias, precor, o benigna!
Mihi tua vulnera concite designa;
Ac tantæ materiae verba da condigna.

Sed respondes forsitan me non esse tales,
Cui hanc misericordiam reveles poenalem,
Neque tuis ultimis servis esse æqualem,
Ut hanc petam gratiam a te specialem.

Scio, scio, Domina, me indignum esse.
Sed quid accusanti me poterit obesse?
Te pro Deo supplico, Virga stirpis Jesse,
Ut tu meis precibus digneris adesse.

Sed dicis non omnia me fateri vere,
Nec sicut peccaverim, promere sincere,
Oblivisci plurima, quædam reticere,
Nec vitando criminis bene poenitere.

Heu, Mater clementiae, haec sunt dura verba,
Quæ, proh dolor! vera sunt, licet sint acerba.
Nam videri sicut est, non vult mens superba;
Sed, te rogo, sana me ob salutis verba.

En tibi confiteor omne crimen meum,
In peccatis omnibus fateor me reum,
In quibus cognoscis me offendisse Deum,
Et ut salvet ipse me, precor, coge eum.

Peccavi superbia et mala cogitatione,
Visu, verbo, opere et omissione,
Gustu, tactu, naribus et auditione,
Multæ negligentia et delectatione.

Deliqui malitia et perverso more,
In Dei et proximi modico amore,
Luxu, avaritia, ira et livore;
Gula, et acedia, odio, torpore.

Hæc tibi confiteor, et Omnipotenti,
Ac sanctorum cœtui volubilis manenti,
Deprecor ob meritum divini tormenti,
Salvato culpabilem, veniam da petenti.

Ecce qualis factus sum sæpe delinquendo,
Tibi aliquantulum, o clemens, ostendo;
Nea mala omnia tibi nunc commendo,

A Ut tu ipsa salves me ista auferendo.

Sed quid ago, referens sordes foeditatis,
Auditui Virginis summæ puritatis?
Horresco, sanctissima Mater pietatis,
Ita loqui auribus tuis illibatis.

Expavesco ne a me forsan te avertas
Multas ob putredines intra me insertas,
Sed per Jesum deprecor ad me te convertas
In quo tot miseras cognoscis tam certas.

Tu, quæ vota omnium pia intueris,
Nunquid soli misero mihi dura eris?
Cur misericordiae notum nomen geris,
Si mihi petenti te non misereris?

Hanc consuetudinem propter me non mutas
Per quam soles miseri reddere salutes,

B Nec me, quamvis impium, flagito, refutes,
Sed tuæ clementiae fac in me virtutes.

Recordare, Domina, præ cunctis perfecta,
Quia ob culpabiles fuisti electa,
Mater propter miseros Dei es effecta,
Ergo salva miseros, nostra spes erecta.

Te pro eis, Domina, Deus est ingressus,
Pro eis miseras humanas perpassus,
Pro ipsis, vidente te, in tormentis fessus,
Ac mortis angustiis pro illis est pressus.

Ergo nobis, Domina, reis sis parata,
Eorumque insimum audi me rogata,
Memento pro quibus es tantum exaltata,
Et pro quibus tua est proles tormentata.

C Meas preces, Domina, digneris audire,
Et nunc et in posterum semper subvenire,
Fac tuas atque Domini plagas me ferire,
Et in corde jugiter devote sentire.

O fracta doloribus stans sub crucis ara
Ex nati vulneribus plena et amara!
Da mihi partem doloris, ne sis avara,
Quæ larga, et libera dicta es et gnara.

O meæ fiducia! Mater Salvatoris,
Me transfige gladio mox tui doloris,
Dita me ex munere perfecti amoris,
Et dic meæ animæ vim tui mœroris.

Nunc, nunc præsens spiritu Mater singularis,
De tuis doloribus aliquid loquaris,
Quod placere valeat tuis servis charis,

D Et eos aspergere lacrymis amaris.

Mater Filio compassa.

Importuna anima, cur ad me sic clamas,
Quam tam parum recolis, et tam parum amas
Sed dicis audisse te de me pias famas,
Et ob hoc audaciter ad me sic acclamas.

Modo si audire vis poenas meæ mentis
Crucifixi Filio meo condolentis,
Vanitates abjice cordis discordantias,
Et lamenta animi da compaticientis.

Sine fletu anima hæc audire noli,
Ubi me sic compati vides meæ proli,
Ubi fudit lacrymas multas Factor poli,
Ubi mortem sustulit Dominator soli.

Et in primis alloquor te certificando

Ex hoc quod tu cogitas de me aliquando :
Si cogrovi vulnera cuncta speculando
Quae suscepit Filius meus tolerando.

Scias quia dolor me in tantum premebat,
Quod viu fere corporis cum sensu delebat,
Sei immensus Filii anor me cogebat,
Omnes poenam cernere quas ipse ferebat.

Quando poenam aliquam inferri videbam,
Tota quasi moriens mox desiciebam,
Sed amoris impetu statim reviverbam,
Et tormenta filii avide videbam.

Nam eum eo meum cor totum habitabat,
Quem ineffabiliter plus quam me amabat,
Idcirco quod Filius meus tolerabat,
Inconsolabiliter meum cor gravabat.

Nam cum eo eor meum dure est ligatum,
Colaphis, et alapis, sputis cruciatum,
Probris et blasphemis illusum ac vexatum,
Flagris ejus asperis multum tormentatum.

Cum Jesu est meum cor spinis coronatum,
Ligni crucis pondere secum oneratum,
Ad locum Calvariae cum eo tractatum,
Eius potu felio est amaricatum.

Eum magnis doloribus vidi spoliatum,
Delicato sanguine totum eruentatum,
Cum Jesu est meum eor tensum, et clavatum,
Ecce vides meum cor totum laceratum.

Contemplare, anima, meum cor clavatum,
Et cum meo Filio srpe perforatum ;
Sed in hoc est maxime meum eor gravatum,
Quod non his suppliciis est vita privatum.

Sed inenarrabiles poenae me torquebant,
Quando crucem impii sursum erigebant,
Nam eam eum impetu stare faciebant,
Et ineffabiliter Jesum affligebant.

O ! si scires quantum me poena haec gravabat,
Quantum Christi manuum plogas dilatabat,
Quamque et profundissime ipse suspirabat,
Et quan amarissime ille tunc plorabat.

Stabam sub patibulo Mater veri Dei,
Videns pati Dominum universæ rei ;
Condolebam intime ejus speciei,
Quem deformem fecerant torquendo Judei.

In languore maximo et dolore gravi,
Ad Jesum saepissime oculos levavi,
Væ ! Væ ! sicut poteram, vœ ! Fili, clamavi.
Ego te ad poenas has, Jesu, generavi.

Suspexi multoties ad natum suspensum,
In eruce atrociter clavatum, et distensum,
Solum justum Deum inter reos pensum,
Et dolendo perdidì pene meum sensum.

In dolore maximo Filium videbam,
Et juvare penitus eum non valebam.
Gemitus, suspiria, singultus edebam,
Lacrymas multiplices amare sumdebam.
Vidi sanctam faciem et deliciosaam,
Plusquam lingua exprimat dulcem, gratiosam
Multis pro angustiis totam lacrymosam.
Cruentatam, lividam, nec non maculosam.

A Nam tam largas lacrymas oculi stillabant,
Quod præ multitudine fletus caligabant,
Quia nulli aderant qui eos mundabant,
Sed lugentem Dominum multi subsannabant.

Dignum caput Filii lassum dependebat,
Nam ubi quiesceret locus non manebat,
Præter spinas minime pulvinar habebat,
Cujus dolor multiplex multum me torquebat.

Manus decentissimas dum sæpe spectavi,
Laceratas graviter, heu ! consideravi,
Quas angebant nequiter perforatos clavi,
Quos in his transfixerant illi nimis pravi.

Aspexi dignissimos pedes laniatos,
Heu, percussos malleo, ferro terebratos,
Omnis artus corporis simul cruciatus,
Et compages ossium dire dissipatas.

Gustum mei Filii selle cruciabant,
Auditum blasphemis Judæi vexabant,
Olfactum putredines loci tormentabant,
Et hæc simul omnia multum me gravabant.

Me loqui ad Filium amor compellebat,
Et affectuosum cor sermones edebat,
Sed, heu ! dolor nimius eos dirumpebat,
Quod verba edicere minime valebat.

Sensibus languentibus jam desiciebam,
Et confractis viribus dolens corruerbam,
Sed resumpto spiritu, voce, qua valebam,
In verba hujusmodi statim prorumpebam :

Vœ ! vœ ! Fili mi, vœ ! vœ ! ehare nate,
Ecce hi perversi me divisorunt a te,
Adjuva me, obseero, in anxietate ;
Audi preces, miserere Matris desolatæ.

Per te, Fili, habui omnia secunda,
In te, Jesu, extiti jugiter jucunda,
Heu, nunc in tristitia per te sum profunda,
Quia te sic cruciat turba haec immunda.

Tecum fac obire me per istum agonein,
Quæ te ipsum alui ad hanc passionem,
Ego, heu, lactavi te ad occisionem,
Fac me, precor, commori per compassionem.

In te impassibilis, Fili mi, fuisti ;
Totum hoc quod pateris de me assumpsisti.
Ergo fac ut moriar tecum cæde tristi,
Quia te exposui diræ morti isti.

D O ! quis det ut subeam pro te, Jesu, mortem,
Cujus ex me miseram tu sumpsisti sortem ?
Fili, cur permissis me esse nunc tam fortè ?
Rogo, moriendo fac me tuam consortem.

O mea lætitia, salus, spes et vita,
Jesu, cur relinquis me desolatam ita ?
Cur sine auxilio sum in poenis sita ?
Heu, mea solatia cuncta sunt finita.

Quis mihi de cætero præstabit solamen ?
Digneris audire nunc maternum grævamen,
Et ad minus da mihi aliquod levamen :
Vide, vide, Fili mi, maternum vexamen.

Tunc Jesus, me audiens tam indesinenter
Suspirare, gemere et flere dolenter,
Intuensque anxiun meum cor patenter

Consolari lugubrem visus est clementer.

O si scires qualiter mihi condolebat !
Nempe pro me multo plus quam pro se languebat,
Et ejus poenitatis multum me premebat,
Ac utrosque passio vicissim angebat.

O immensa gravitas et anxietudo !

Pœna ineffabilis, et amaritudine !
Quantum pressit ambos nos ista habitudo,
Quos inæstimabilis strinxit gratitudo !

Christus Matrem commendat Joanni.

Nam morti appropians flentem me vocavit,
Joannem in filium nibi ordinavit,
Me in matrem pariter illi commendavit,
Et doloris gladius tunc me perforavit.

Semivivum Dominum, heu ! audiebamus ;
Loqui præ morte nibil valebamus,
Jesum pene mortuum fari videbamus,
Respondere aliquid, heu, non poteramus.

Ego cordis jubilum mei amittebam,
Et in multas lacrymas tota deflucebam,
Vitam meæ animæ obire videbam,
Ac pœnis ingentibus jam liquefiebam.

Utquid dereliquisti me ?

Nam et sic humanitas derelinquebatur,
Nec tunc ei deitas opitulabatur,
Unde, et passibilis valde reddebar,
Et cur reliquisti me, Deus ? loquebatur.

Anima, si ruminas primum hunc dolorem,
Possidebis forsitan lacrymarum rorem,
Et si tu devota es ac cupis honorem,
Meditare sæpius hunc meum mœrem.

O misericordia immensa repleta,
Laus tibi et honor sit, Mater, sine meta.
Omnia, quæ facta sunt, nota et secreta,
Tibi solvant gratias, Virgo, Verbo seta.

Jam obortis lacrymis per compassionem,
Cogor interrumpere tuum hunc sermonem,
Gratiarum reddere tibi actionem,
Et tuam extollere miserationem.

O mea fiducia ! Mater Dei veri,
Per te oro jugiter ad bona urgeri,
Et a malis omnibus per te coerceri,
Tuisque doloribus semper adimpleri.

Utinam cum lacrymis possem nunc rugire
Et pro te, o Domina, dolendo obire !
Pœnas semper me tuas precor fac sentire,
Meum cor durissimum digneris mollire.

Heu, quare post Filium, Domina, abiisti ?
Heu ! cur ad Calvariae locum exivisti ?
Heu ! cur solitaria domi non fuisti,
Ne in morte forsitan perimaris Christi ?

Nonne nati passio nobis esset satis,
Nisi crucifigeret te plebs feritatis ?
Cur fecisti, Domina miræ sanctitatis,
Te vas amaritudinis et poenitatis ?

Heu, non solum cerno te juxta crucem flentem,
Sed simul cum Filio in cruce manentem,
Christum corporaliter in ligno pendentem,
Tuam vero animam suspensam et dolentem.

A Heu ! contemplor tuum cor sæpe perforatum,
Et cum membris singulis Filii conclavatum,
Ecce geris intra te crucifixum natum,
Flagris, spinis, ictibus, clavis laceratum.

O cor delectabile, dulce, delicatum,
Heu ! nunc in angustiis valde immutatum,
Probris, et blasphemis nimis molestatum,
Sputis, felle, fletibus est amaricatum.

O amabilissimum cor, plenum dulcoris !
Quomodo sic conversum es felle mœroris ?
Partem mihi, flagito, da tui doloris,
Lacrymarum, vulnerum, Christique languoris.

Tunc charo discipulo Mater commendata,
Ut sacra paginula esset consummata,
Proles Dei : *Sitio*, dixit fatigata ;

B Sed, heu, qualis ei potio est amara data ?
O Messia ! supplico tuam pietatem,
Pelle a me crapulam et ebrietatem,
In cibis et potibus da sobrietatem,
Ne sinas me cadere per edacitatem.

Heu ! quare cupio laetus cibari,
Sive delicatis cibis nunquam satiari ?
O Jesu ! ne sinas nos ita delectari,
Qui felle dignatus es pro nobis potari.

Tunc, sicut apostolus Joannes dictavit,
Jesus : *Consummatum est*, statim exclamavit,
Sicque suum spiritum Patri commendavit
Cum clamore valido, et sic expiravit.

Morientem Dominino terra contremebat,
Scindebantur lapides, sol lumen claudebat,
Resurgebant mortui, populus mœrebat,
Velum templi scissum est, æther non lucebat.

Si tunc insensibilia compatiebantur,
Et in morte Domini lapides scindebantur,
Erubescant homines, qui non contristantur,
Dum obiisse Dominum Jesum meditantur.

Tu dixisti, Domine, per prophetam vere,
Quod nostrum lapideum velles cor delere,
Et cor tuo populo carneum præbere (*Ezech. xi et xxxvi*) ;

Sed, heu ! vix vult carneum dolere.

O plus quam lapidei, ingrati, indigni !
O nostri duritia cordis imbenigni,
Nonne contumelia multa sumus digni,

D) Quod parum compatimur regi tam insigni ?

O cor pessimum, durum atque vanum,
Durius lapidibus, quasi inhumanum.
Saltem nunc compatere, nisi sis vesanum,
Dum sic vides pati quod non est humanum.

O Jesu, qui gratiae das donationes,
Oinnes tuas supplico miserations,
Cordis mei dilue obdurations,
Et da mihi lacrymas et compassiones.

Centemplare, anima, cum magno fervore,
Jesum Christum medicum cum suo cruento,
Virum sine specie et sine decore,
Percussum et mortuum pro tuo amore.

O quantæ, Deisera, tue sunt pressuræ,
Dum sic insensibiles dolent creature !

Quia lingua exprimentur tuæ mentis curæ?
Quales nato mortuo tuæ sint torturæ?
O quis novit, mea spes, tuos cruciatus,
Quando Jesus coram te est translanceatus,
Quando sic percussum est illud sanctum latus,
Cujus sanguis pretium nostrum est vocatus?
Etsi corpus exanime ictus non gravabat,
Sed tuum beatum cor dire perforabat,
Lancea latus Christi crux rubricabat,
Sed totius vulneris dolor te cruciabat.
Juxta crucem Filii Mater assistebat,
Fletu amarissimo jugiter lugebat,
Nam sensu emortuo ipsa vix vivebat,
Voce atque viribus, proh dolor! carebat.
Ima cadens anxia prostrata pallebat,
Vivens suis mortua, moriens vivebat;
Heu! plena angustiis anima pendebat,
Vivens tamen mortua mori non dolebat.
Rursumque se ergens in dolore staba,
Et pendente Dominum flens considerabat,
Mori plusquam vivere certe adoptabat,
Quam deponi Filium suum exspectabat.
Tunc dicebat ejulans illis depravatis;
Ecce, desideriis vestris consummatis,
Mihi Matri miserae corpus deponatis,
Vel, si libet, illi me necando jungatis.
Suum natum tangere Mater cupiebat,
Seque quantum poterat sursum erigebat,
Sed cum eum tangere nequaquam valebat,
Heu, ad terram debilis graviter cadebat.
Iterum amoris vi sursum cerebatur,
Et crucis patibulum mox amplexbatur,
Filiumque tangere multum nitiebatur,
Sed ad terram durius, heu! collidebatur.
Ibi jacens anxia male torquebatur,
Immensis doloribus, heu! opprimebatur,
Sic cadentem sanguinem deosculabatur,
Quo crux facies rubra reddebar.
Inter haec discipuli Jesu duo grati,
Nicodemus, et Joseph (sic sunt appellati),
Adepta licentia præsidis Pilati,
Ut Jesum deponerent, venerunt parati.
Tunc corpus et brachia Mater assumebat,
Et ad se moestissimam concito trahebat,
Super jam depositum osculo ruebat,
Satari minime de nato valebat.
Tunc ad caput Filii sui Mater stabat,
Beatamque faciem lacrymis rigabat,
Sæpe profundissime gemens suspirabat,
Seque ipsam feriens tales voces dabat:
O Fili charissime, quid mihi fecisti?
Cur Judæi morti te tradiderunt isti?
Quare me relinquere post te voluisti?
Succurre spiritui meo nimis tristi.
O mi amor unice, atque salutare,
Gaudium, solatium meum singulare,
Vita meæ animæ, o Fili! dic quare
Permittis dolere me pro te tam amare?
Ubi est quod habui gaudium tam latum,

A Dum virgo concepi te, pepèrique natum?
In magnam moestitiam, heu! nunc est mutatum,
Dum te meum gaudium video necatum.
Sed dolendo Domina mentem conservabat,
Fidem firmam retinens nihil desperabat,
Imo juste doluit, et recte plorabat,
Dum injuste Dominum perimi spectabat.
Tunc volentes Dominum sepulcro locare,
Ne tam cito facerent, cœpit hæc rogare.
Hi volebant mortuum sepulturæ dare,
Ipsa ad se visa est corpus retractare.
Inter eos taliter pia lis siebat,
Et eorum acrius quilibet dolebat,
Et pro Matre Virgine maxime plangebat,
Quod ipsa tam anxie jugiter lugebat.
B Tunc ad tumbam Domini angeli venerunt,
Et sepulco Domino laudes persolverunt,
Sed Mariae oculi lacrymas fuderunt,
Singultus et gemitus ipsam vexaverunt.
Taliter in tumulo Christo collocato,
Genitrix tristissima benedixit nato,
Commendavit, æstimo, eum Patri grato,
Gemens, flens et ejulans pro mortificato.
En qui nunquam moritur, Dominus deorum,
Sepelitur mortuus manibus suorum,
Quem nec terra continet, nec cœli cœlorum,
Clausus est sub lapide more mortuorum.
Tunc hic, cui Dominus Matrem commendavit,
Joannes videlicet, lugentem levavit,
Urbemque Jerusalem cum ea intravit,
C Et ei, ut Filius, bene ministravit.
Tunc devotæ feminæ, quæ ista viderunt,
Quæ viventem Dominum secutæ fuerunt,
Mortuo obsequium grate præbuerunt,
Ementes aromata ei parentaverunt.
Inter quas Magdalena talis videbatur,
Quod sexus feminei obliscebatur,
Nam pergens in tenebris nihil verehatur,
Et quæsum invenit, a qua upgebatur.
Sed Virgo puerpera fletibus vacabat,
Languendo post Filium jugiter plorabat,
Quanta ipse passus sit, ad mentem revocabat,
Et in corde languido flendo ruminabat.
Die autem tertio Christo resurgentे,
Captivos ab inferis secum educente,
D Descendebat angelus de cœlo repente,
Terræmotu pariter facto vehementer,
Jam mane Magdalena ad tumbam pergebat,
Et secum aromata parata serebat,
Nec arma, nec homines ferros metuebat,
Sed ferventer diligens Dominum quærebatur.
Ipsi soli Dominus primo apparebat,
Conturbata amplius sublatum credebat,
Consolantes angelos audire solebat,
Nihil sine Domino placere valebat.
Et quia ferventius cæteris quærebatur,
Ipsi soli Dominus primo apparebat,
Hæc ne eum tangeret statim prohibebat
Sed ut vivum diceret fratribus monebat.

Passionis Domini finito agone,
Et ex Judæ genere, rugiente leone,
Suscitato Filio, devicto dracone,
Tu Virgo Christifera dolorem depone.
Gaudens vide, Domina, corpus immortale,
Subtile, et agile, et spirituale,
Cui non nocebit plus tormentum carnale,
Nec vulnus suscipere poterit lethale.

A Si gaudet Magdalena, viso peramato,
Qui eam absolverat a suo peccato,
Multo magis gaude, tu Mater, viso nato,
In tamen vivo corpore, jam glorificato.
Deprecor te, Domina, et haec Magdalenam
Juvate ut cogitem Christi diram pœnam :
Et ut conscientiam habeam serenam,
Ac Dei proximique charitatem plenam.

APPENDIX TERTIA.

PRIVILEGIA

Ecclesiæ Lucensi tempore S. Anselmi a Mathilde comitissa concessa.

(UGHELLI, *Italia sacra*, I, 814.)

I.

In nomine Domini nostri Jesu Christi Dei æterni.
Anno ab Incarn. ejus 1078, vi Kal. Octobris, ind. ii.

Constat me Mathilda Dei gratia inclita comitissa Tusciae ex genere Longobardorum relicta honore mem. Gottifredi ducis, et filia bo. me. Bonifacii magni ducis et marchionis Tusciae. Quia ego ex parte supradicti viri mei, qui fuit Salicus lege videor vivere Salica in atramentario pennam, et pergamentum manibus meis de terra levavit, et Rustichi notarii D. imperatoris ad scribendum tradidi per vuasonem terræ.... et sticticum nodatum seu ramo arborum, ad quæ per Coltellum, et guantone, simulque andilagine sic per hanc chartulam juxta Saligorum consuetudinem pro animæ meæ remedium, et remedium animarum supradicti Bonifacii, qui fuit genitor meus, et gloriae Beatrixis comitissæ genitricis meæ offero tibi Deo, et episcopatu S. Martini, qui esse videtur ædificato infra Lucensem civitatem, id est meam portionem ex integra de monte, et pojo, seu castello illo qui dicitur Decimo de monte, et pojo, seu castello vero ipso cum curia, et turre, et casis infra se, et super se habentes in circuitu suo, et cum fundamento, et omni ædificio suo competi exinde mihi quartam portionem ipsam vero et integrum meam portionem, et quantum mihi exinde, per quantumque ordinem est pertinentes, et cum inferioribus, et superioribus suis, seu cum accessionibus, et ingressuras suas tibi Deo, et suprascripta ecclesia S. Martini offerre prævideor tali ordine, ut ab hodierna die in ipsius Eccl. et episcopatu S. Martini, et de illo episcopo qui ibi pro tempore ordinatus et electus fuerit, in ejus sint potestate suprascriptam meam portionem prædictas res, quas in ipsius ecclesia, et episcopatu S. Martini offerimus eas habendi, tenendi, possidendi, et imperandi, laborare faciendi, et usufructuandi, et, si opportunum fuerit, licentiam et potestatem habeant prædictus episcopus causas exinde agendi, queremo-

B nias faciendi, responsum reddendi, finem ponendi modis omnibus ad pars ipsius ecclesiæ, et episcopatu S. Martini defensandi cum chartula ista offensionis qualiter juxta legem melius potuerit pro animæ meæ remedium, et per remedium prædictorum Bonifacii, qui fuit genitor meus, et gloriae Beatrixis comitissæ genitricis meæ stabilem permaneat semper, et si aliquo tempore ego qui supra Mathilda Dei gratia inclita comitissa, vel meos hæredes tibi Deo, et ipsius ecclesia, et episcopatu S. Martini, ut ad illud episcopus, qui ibi pro tempore ordinatus et electus fuerit, suprascriptam portionem de prædictas res quas in ipsius ecclesiæ, et episcopatum offerri aliquando tempore in aliquid exinde intentio naverimus, aut retolli, vel subtrahi quæsierimus nos, vel ille homo cui nos eas dedissemus, et dederimus pro colibet ingenium, et eam ad partem prædicti episcopatus ab omni homine defendere non potuerimus, et non defensaverimus, tunc feramus ad partem supradicti episcopatus inuictam, quod est auri optimi uncias 20 et argenti pondera 40, et hoc quod supradictæ ecclesiæ obtuli in duplum infer quidem loco sub existimatione quale tunc fuerit, et nec sic valeamus, nec possamus disrumpere, vel infringere, sed præsens hæc chartula offensionis meæ diuturnis temporibus firma et stabilis persistat perpetualiter inconvulsa constipulatione subnixa, sic tamen si nos exinde authores nec defensores quæsire, nec dare volueritis licentiam habeatis absque nostra persona si vestra fuerit voluntas exinde causas agendi, responsum reddendi, finem ponendi modis omnibus pars supradictæ ecclesiæ episcopatus S. Martini defensandi cum chartula ista oblationis et traditionis meæ qualiter juxta legem melius potuerit, et ita in hoc ordine hanc chartulam ego Matilda tibi Rusticus notarius ad scribendum tradidi et scribere rogavi.

Actum in loco ubi dicitur S. Cipriano prope Perusiam.